

Upravni odbor Memorijalnog centra Srebrenica - Potočari  
**Sadik Ahmetović**  
predsjednik

▶ 8. strana



Miroslav Blažević potpisao dvogodišnji ugovor  
**Ćiro moli navijače, ali ne i igrače**

▶ 42-43. strana



Zanier uzbudio duhove na Kosovu  
**Bh. šnit za srpski entitet**

▶ 17. strana



# DODIK ZNA ko je skrivao Karadžića


Nataša Kandić za Oslobođenje

Očekivala prvo hapšenje Ratka Mladića • Čelnici BIA su oduvijek imali podatke o lokaciji • Odlazak Vojislava Koštunice i uloga pojedinaca iz RS-a • Premijer Dodik kreće u jačanje vladavine

▶ 5. strana



## Gubitak za grad i državu



Dženaza prof. dr. Ahmeta Hadžipašića biće obavljena u subotu na gradskom groblju Crkvice u Zenici

▶ 8-9. strana

## Nadene desetine hiljada fotografija dječije pornografije

Među osobama protiv kojih su podneseni izvještaji više samaca, ali i oženjenih muškaraca, ugledni Konjičanin i jedan profesor

▶ 25. strana

## U DANAŠNJEM BROJU

Ponosan na sve što je uradio!

Rajs očekuje hapšenje i Mladića

Slučaj vikendice na Palama

Lažne dokumente dobio u BiH?

▶ 2-7. strane



DANAS PRILOG

**IZETBEGOVIĆEV HISTORIJSKI ODGOVOR**

▶ 7. strane



Nataša Kandić za Oslobođenje

# DODIK ZNA KO JE skrivao Karadžića

Očekivala prvo hapšenje Ratka Mladića • Čelnici BIA su oduvijek imali podatke o lokaciji • Odlazak Vojislava Koštunice i uloga pojedinaca iz RS-a • Premijer Dodik kreće u jačanje vladavine

Razgovarao: Almir ŠEĆKANOVIĆ  
(a.seckanovic@oslobodjenje.ba)

Prva reakcija Nataše Kandić na informaciju da je uhapšen Radovan Karadžić bila je: "Ostala sam bez daha... Ta vijest je kao udar prostrujala Srbijom".

Direktorica Fonda za humanitarno pravo (kojeg je osnovala prije 16 godina s ciljem da dokumentuje kršenje ljudskih prava u oružanim sukobima u bivšoj Jugoslaviji, op. a), te počasna građanka Sarajeva i dobitnica brojnih međunarodnih priznanja, u intervjuu Oslobođenju priznaje koliko je bila zbunjena nakon vijesti o hapšenju.

## Drugi plan

"Karadžić je uvijek bio u drugom planu. Tražio se Ratko Mladić. Argumenti Tribunala su bili da on nije dostupan, da je pod zaštitom Crkve, te da nemaju podatke kako bi ga locirali. Zbog toga sam bila iznenađena kada sam čula vijest o Karadžićevom hapšenju. Inače, cijenim da je Bezbedonosna informativna agencija (BIA) imala podatke o Karadžiću i Mladiću. Prvi je uvijek bio u nadležnosti civilne tajne policije, dok u čuvanju Ratka Mladića veliku ulogu ima i vojska."

• **Znači li to da i Vi cijenite da je Vojislav Koštunica bio ključna prepreka hapšenju zločinca?**

- Između ostalog. Čelnici BIA su oduvijek imali podatke gdje se skrivao Radovan Karadžić, ali je njegovo hapšenje uslijedilo tek poslije političke promjene vlasti, te upravo odlaska Vojislava Koštunice sa mjesta premijera. Obavještajna služba Srbije je stvorila novi identitet ratnog zločinca Radovana Karadžića. No, vremenom je mreža pomagača postala suviše velika i skupa. I nisu to samo znali ljudi iz Srbije. Naravno da su i pojedine osobe iz Republike Srpske znale ko i kako pomaže haškom bjeguncu.



Nataša Kandić: Ispitati uloge civilne i tajne policije, te Vojske Srbije

## ŠTA ĆE KARADŽIĆ OTKRITI U HAGU?

I Nataša Kandić, direktorica Fonda za humanitarno pravo iz Srbije, očekuje da suđenje konačno uhapšenom optuženiku za ratne zločine Radovanu Karadžiću otkrije mnoge zanimljive fakte.

Kako analitičari i predviđaju, Karadžić bi na haškom suđenju mogao progovoriti o zanimljivim pitanjima iz proteklog rata na području Balkana, posebno mnoge tajne o ulozi međunarodnih zvaničnika u sukobima na prostoru Bosne i Hercegovine.

**Obavještajna služba Srbije je stvorila novi identitet zločinca Karadžića. No, vremenom je mreža pomagača postala suviše velika i skupa**

• **Mislite na aktuelnu vlast predvođenu SNSD-om i njegovim liderom Miloradom Dodikom?**

- Međutim, vjerovatno su DB (Državna bezbjednost, op.a) Srpske i policija bili upoznati sa skrivanjem Radovana Karadžića. Dolaskom na vlast, Milorad Dodik je morao

saznati ko je skrivao Radovana Karadžića.

## Jačanje vladavine

• **Šta konačno Karadžićevo hapšenje znači za Republiku Srpsku?**

- Gledajte to ovako: ovo je veliko olakšanje za Dodika i njegovu vlast. On će ojačati svoju vladavinu, a u Beogradu se pokazalo da je mala šaka onih koji su spremni protestovati zbog hapšenja Radovana Karadžića... Hapšenje najtraženijeg ratnog zločinca povećalo je šansu Srbije za brži put ka evropskim integracijama, a nadajmo se i Bosne i Hercegovine, ali kao cjelovite države.

Radovanovi lopovluci u aferi Invest inžinjerina



Karadžić uhapšen ranih 80-ih zbog afere sa gradnjom vikendice

## Slučaj vikendice na Palama

Nikada nije procesuirana žalba na oslobađajuću presudu Karadžiću i Krajišniku jer je izvršen veliki pritisak na tadašnjeg republičkog tužitelja Nuriju Hadžića

### NAGRADA SUDIJAMA

Za finansijski kriminal Radovana Karadžića i Momčila Krajišnika možda se ne bi ni saznalo da pod stečaj nije otišla firma Invest inžinjerina, koja je poslovala u sastavu Energoinvesta. Tadašnji finansijski direktor TAT-a, također u sistemu Energoinvesta Momčilo Krajišnik, znao je da se dobre pare vrte oko toga nekadašnjeg, kako se to i danas ponegdje u medijima može čuti, giganta.

## Hvala na stečaju

Tih godina, okosnicu bosanskohercegovačke privrede činili su veliki privredni sistemi, a među najprofitabilnijim bio je Energoinvest i njegove firme u tome sistemu. Naš izvor, koji je u to vrijeme bio jedan od onih koji su radili na rasvjetljavanju finansijske afere u kojoj je sudjelovao i tada medicinski radnik, psihijatar Radovan Karadžić. Naime, poslije raznih organizacionih pretumbacija, sjedište Invest Inžinjerina, kao servis usluga Energoinvesta, prebačeno je na Pale.

Sredstva koja su bila namijenjena gradnji hotela i apartmana na Jahorini i Crepoljskom, Krajišnik je prebacivao, između ostalog, i za gradnju Karadžićeve vikendice na Palama. Naš sugovornik, koji je htio ostati anonimn, kazao nam je da su sredstva i građevinski materijal, konkretno za Karadžićevu vikendicu, prebacivani iz sredstava za gradnju hotela "Srce" na Crepoljskom. Taj objekt, otkriveno je, bio je manji za onoliko koliko je bila veća Karadžićeva vikendica. Malverzacije su izvršene prije 1982. godine, a afera, od koje se "treslo Sarajevo", otkrivena je prilikom stečajnoga postupka 1984. godine.

Nakon što su i Krajišnik i Karadžić osuđeni kao krivi, ta presuda je oborena nakon žalbe na Vrhovnome sudu. Nakon toga došlo su oslobađajuće presude, zahvaljujući sucima Milanu Trbojeviću i Miroslavu Gladancu koji su, kaže naš izvor, nakon što su Karadžić i Krajišnik nakon prvih višestrukačkih izbora postali fore, i debelo nagrađeni pozicijama u novoformiranoj Republici Srpskoj i prije nje u kadrovskim potkusurivanjima među koalicionim partnerima.

Interesantno je da je najviše nagrabusio tadašnji direktor Invest Inžinjerina Stojko Anđelić, dobivši petnaest godina, a da su se Karadžić i Krajišnik nekako izvukli sa tek pritvorom.

## Pojeo vuk magarca

Nikada nije procesuirana žalba na oslobađajuću presudu ovoj dvojici jer je, prenosi nam naš izvor, u to doba nakon višestrukačkih izbora, izvršen veliki pritisak na tadašnjeg republičkog tužitelja Nuriju Hadžića, koji je morao odustati od pokretanja žalbe, da bi ubrzo nakon toga bio uklonjen. Na njegovo mjesto Karadžić je postavio Slobodana Kovača, poslijeratnoga ministra pravde BiH.

Naš izvor je prokomentirao da niko za vrijeme ove lokalne socrealističke ekonomske afere nije mogao pomisliti da će njeni vinovnici poslije biti najtraženiji osumnjičeni za ratne zločine, te dodaje kako mu sada često na pamet narodna poslovice da ko krađe, taj i ubija.

En. ZGODIĆ

## Moskovska Izvestija

# Amerikanci ga ranije štitili

Odgovor na pitanje zašto lider bosanskih Srba i haški optuženik Radovan Karadžić nije uhapšen ranije, veoma je jednostavan - njegovu bezbjednost su garantovale Sjedinjene Američke Države (SAD), piše moskovski list Izvestija.

Kako se moglo i očekivati, hapšenje zločinca

broj jedan isplanirale su zapadne specijalne službe, britanska i američka, prenosi list.

"Zgrabili su ga tek pošto je predsjednik Srbije Boris Tadić postavio svog čovjeka na čelo obavještajne službe. Što bi se reklo - prvi krupan podvig na novoj funkciji", piše moskovski list.